

全圖

名醫驗案類編

正編

第四冊

火淫病案

上海大東書局印行

當代全國  
名醫驗案類編目錄

初集 四時六淫病案

第六卷 火淫病案

溫病案 內科.....袁桂生

溫病案 內科.....袁桂生

溫病案 內科.....周小農

溫病案 內科.....張錫純

溫病晚發案 內科.....過允文

溫病發癍案 內科.....袁桂生

溫病發斑案 婦科.....嚴紹岐

腎虛溫病案 內科.....張錫純

產後溫病案 婦科

嚴紹岐

溫病鼻衄案 內科

王經邦

溫病咳血案 內科

何紹彭

溫病兼喉疼案 內科

張錫純

溫病兼衝氣上衝案 內科

張錫純

春溫案 內科

嚴執中

春溫案 內科

楊書培

春溫案 內科

陳作仁

春溫發斑案 內科

葉鑑清

春溫誤治案 內科

陳作仁

春溫夾食案 內科

錢存濟

春溫夾痰案 內科

葉鑑清

春溫夾痰喘案 內科..... 葉鑑清

春溫夾痰熱案 內科..... 魏樹森

春溫晚發誤治壞症案 內科..... 李竹溪

春溫兼寒案 內科..... 袁桂生

秋溫夾濕案 內科..... 過允文

冬溫戰汗案 內科..... 張際春

溫瘧案 內科..... 王經邦

溫瘧案 內科..... 吳宗熙

溫瘧兼痰厥案 內科..... 過允文

熱病案 內科..... 陽貫之

熱病兼寒案 內科..... 張錫純

瘧熱兼寒案 內科..... 鄭惠中

熱病化燥案 內科.....毛鳳岡

伏熱欬血案 內科.....陳作仁

熱沖頭腦案 內科.....張錫純

熱伏膈膜案 內科.....張錫純

熱竄隧絡案 婦科.....嚴繼春

胃腸實熱案 內科.....鄭叔漁

熱鬱腹痛症案 內科.....莊虞卿

熱伏肝衝案 婦科.....陳務齋

熱結膀胱案 內科.....何拯華

熱入血室案 婦科.....蕭琢如

熱入血室案 婦科.....蕭琢如

熱入血室變子宮炎案 婦科.....張錫純

熱病發狂案 婦科.....嚴繼春

熱病子痲案 婦科.....嚴繼春

伏熱瘧厥案 內科.....周小農

熱病殞胎案 婦科.....嚴繼春

上熱下寒案 內科.....蕭琢如

冒熱假寒案 內科.....陳務齋

熱瀉案 內科.....張堯詢

積熱化瀉案 兒科.....吳宗熙

伏熱痢案 內科.....張錫純

熱痢傷陰案 婦科.....何拯華

伏熱五色痢案 內科.....陳憩南

**麻安**經謂熱氣大來。火之勝也。在天為熱。在地為火。沈堯封曰。溫雖亦為

火之氣。第火之微者曰溫。火之甚者曰熱。雷少逸云。君火司令之時。有溫病也。相火秉權之候。有熱病也。由是觀之。溫熱二病。皆屬六淫病中之火病。故歸納於火淫病案之中。

當代 全國名醫驗案類編

初癘 四時六淫病案

第六卷 火淫病案

○溫案病 內科

袁桂生 住鎮江京口

【病者】史漢泉君，年約三十餘歲，住本鎮。

【病名】溫病。

【原因】庚戌四月，吸受溫熱，病已多日。病家出前醫之方示予，蓋皆不出銀翹散、三仁湯、增液湯之範圍。病勢日漸增劇。

【症候】昏沉不語，面垢目赤，鼻孔如烟煤，壯熱燦手，汗濺濺然，手臂搖擗，溲赤。【診斷】兩手脈數疾，舌苔黑燥，問不能言，幾日矣。曰：昨猶譫語，今始不能言。然



大聲喚之。猶瞠目視人。問近日大便通否。曰始病曾泄瀉。今不大便已三日矣。予謂此熱病未用清藥。陽明熱極。胃家實之病也。非下不可。

【療法】與調胃承氣湯合三黃石膏湯加味。

【處方】生錦紋 三錢

元明粉 三錢

炙甘草 八分

栝蔞仁 四錢

焦山梔 三錢

黑犀角 一錢

淡黃芩 二錢

小川連 一錢

生川柏 一錢

生石膏 一兩

【次診】接服兩劑。竟未得下。惟矢氣極臭。洩色若血。神識較清。而身熱舌黑。如故。

【次方】栝蔞仁 六錢  
杵

焦山梔 三錢

淡黃芩 二錢

小川連 一錢

生川柏 一錢

黑犀角 一錢

生石膏 一兩  
研細

炙甘草 八分

鮮生地 一兩

雅梨汁 一兩

萊菔汁 五錢  
同沖

【三診】熱減神清。黑苔漸退。脈息亦較平。時吐黏痰。目睛轉黃。遂改用小陷胸

湯加蘆根菖蒲等芳香清冽之品以分消膈中痰熱

【三方】栝蔞仁 四錢 小川連 六分 仙露夏 二錢 淡竹茹 二錢

冬瓜仁 四錢 全青蒿 錢半 川貝母 二錢 石菖蒲 錢半

漢木通 一錢 鮮茅根 一兩 活水蘆根 二兩 以上二味煎湯代水

【四診】接服四劑胸部頸項間遍出白痞如水晶珠腹部腿畔亦發白痞於是身熱全清知饑進粥但精神疲弱耳

【四方】西洋參 錢半 原麥冬 二錢 鮮石斛 三錢 生苡仁 三錢

川貝母 錢半 淡竹茹 二錢 鮮枇杷葉 三片去毛抽筋

【效果】調養數日始解黑燥屎數次當時兩進大黃而不下者蓋其戚友中有知醫者潛將大黃減去一錢每劑祇用二錢故但有解毒之功而無攻下之力而奏效亦較緩也然究勝於粗工之濫用硝黃而僨事者矣

廉按此為溫病實症治法初用寒瀉繼用清潤終用清養選藥處方層次

一絲不亂、藥皆極有力量、似此佳案、堪爲後學之師範、

○溫病案 內科

袁桂生 住鎮江京口

【病者】袁堯寬君、忘其年、住本鎮廣安祥糖棧內、

【病名】溫病、

【原因】庚戌四月患溫病、初由章綬卿君診治、服藥數劑、病未大減、嗣章君往

江北放賑、轉薦予治、

【症候】壯熱、譫語、見人則笑、口渴、溲赤、體胖、多濕、每日祇能進薄粥湯少許、

【診斷】脈息滑數、右部尤甚、舌苔黃薄而乾燥、無津、蓋溫病也、熱邪蘊伏日久、

蓄之久、而發之、暴故病情危重、若是、

【療法】當以解熱爲主、而佐以豁痰潤燥、方用三黃石膏湯合小陷胸湯加減、

【處方】青子芩 二錢

小川連 一錢

生川柏 一錢

生石膏 一兩

研細

焦梔子 三錢

括蕁仁 四錢

細芽茶 一撮

川貝母 三錢

青連翹 三錢

全青蒿 二錢

梨頭汁 一兩

【次診】接服二日。熱未大退。至第三劑後。乃作戰汗而解。但餘熱未清。復以前

方去石膏。芩連括蕒等品。

【次方】焦梔子 三錢

青連翹 三錢

全青蒿 二錢

川貝母 三錢

細芽茶 一撮

生川柏 一錢

生苡仁 三錢

天花粉 三錢

北沙參 三錢

飛滑石 六錢

活水蘆根 二兩

雅梨汁 一兩

【效果】連服數劑。清化餘邪。熱清胃健而瘥。

【說明】凡溫病之解。多從戰汗。劉河間吳又可發之於前。葉天士王九峯暢之

於後。證以予所經歷。洵精確不易之學說也。蓋前人於此。皆從經驗中

得來。惟必俟服藥多劑。始能奏功。而作汗之時。必先戰慄。其狀可駭。醫

家當此。何可無定識定力耶。

【廉按】伏氣溫病。其邪始終在氣分。流連者。多從戰汗而解。若在血分。盤踞

者、或從疹癍而解、或從瘡瘍而解、惟將欲戰汗之時、其人或四肢厥冷、或爪甲青紫、脈象忽然雙伏、或單伏、此時非但病家徬徨、卽醫家每爲病所欺、無所措手矣、且汗解之後、胃氣空虛、當膚冷一晝夜、待氣還自溫暖如常矣、蓋戰汗而解、邪退正虛、陽從汗泄、故膚漸冷、未必卽成脫證、此時宜令病者安舒靜臥、以養陽氣來復、旁人切勿驚惶、頻頻呼喚、擾其元神、使其煩躁、但診其脈、若虛軟和緩、雖倦臥不語、汗出膚冷、卻非脫證、若脈急疾、躁擾不臥、膚冷汗出、便爲氣脫之證矣、故醫必從幾經閱歷、乃有定見於平時、始有定識於俄頃、此案大劑清解、竟得熱達腠開、邪從戰汗而解、尙屬溫病之實症、若病久胃虛、不能送邪外達、必須補托、而伏邪始從戰汗而出者、亦不可不知、昔王九峯治一人、年及中衰、體素羸弱、始得病、不惡寒、惟發熱而渴、溲赤不寐、發表消導、汗不出、熱不退、延至四十餘日、形容枯削、肢體振掉、苔色灰黑、前後大解、共三十次、醬黑色、逐次漸淡、至於

黃。溲亦渾黃不赤。晝夜進數十粒薄粥四五次。夜來倏寐倏醒。力不能轉側。言不足以聽。脈微數。按之不鼓。用扶陰。斂氣。輔正。驅邪。法以生地、人參、麥冬、五味、當歸、茯神、棗仁、遠志、蘆根爲劑。服後竟得戰汗。寒戰逾時。厥回身熱。汗出如浴。從朝至暮。寢汗不收。鼻息幾無。真元幾脫。王仍以前方連進二服。汗收證退。調理而安。

○溫病案 內科

周小農<sub>住無錫</sub>

【病者】陳席珍年四十餘住無錫

【病名】溫病

【原因】素體液虧無苔花甲之年倒賬折閱鬱氣不舒肝失調暢爲內因丙午

夏病溫爲外因

【症候】身熱自汗渴不惡寒神煩惡熱時時懊懣

【診斷】脈左小數右洪搏數舌紅而絳遂斷爲溫邪鬱火交蒸最防熱盛動風

驟變。痙厥。

【療法】用梔翹蘆竹知茹鬱桔急疏清解為君兼顧胃津花粉石斛以佐之。

【處方】黑山梔 三錢

青連翹 三錢

廣鬱金 三錢  
生打

桔梗 一錢

淡竹茹 三錢

天花粉 三錢

肥知母 四錢

鮮石斛 三錢

先用活水蘆根 二兩

鮮淡竹葉 四錢

煎湯代水。

【覆診】病勢不衰。陳素信。凡方云年週花甲。元陽大虧。若再投涼劑。必致生機驟絕。凡示附子理中湯。首味高麗參。炮薑附子均重用。陳不敢服。至三候。遍發黑紫斑。始大顯溫熱。明證熱戀陰傷。舌至絳紫而乾。幸任君依德（後任上海警署總務長）同意。議大劑化斑。雙清氣營。

【覆方】生石膏 一兩

研細

肥知母 五錢

生甘草 八分

生粳米 三錢  
葉包

元參 五錢

犀角粉 一錢

藥湯調下。

【效果】繼以甘涼頻投。如吳氏五汁飲之類。至四候熱退淨而愈。信凡方者。從

此打消。然亦險矣。噫。治病最虞有人中傷。若假神妄評。更爲陰刻也。

**廉按**此治伏氣溫病之正法。凡溫病有汗者。清熱兼保胃津。當然之理。然猶病勢不衰。必須大劑化斑清營。頻投甘涼生津。至四候熱退而愈。可見伏氣溫病。與新感風溫。其病勢之輕重。治法之難易。迥不相同。但用銀翹桑菊兩方者。焉能濟事。勢必耽誤。而貽人夭殃也。噫。

○溫病案 內科

張錫純 住鹽山  
西門內

【病者】王義源之女。年十四五。住鹽山城東牛留里。

【病名】溫病。

【原因】仲春中旬。感受春溫。醫者診治失宜。遷延十餘日。病益增劇。醫者諉爲不治。

【症候】心下脹滿甚劇。喘不能臥。自言心中乾甚。似難支持。其舌苔白而微黃。小便赤少。大便從前滑瀉。此時雖不滑瀉。仍每日下行。



【診斷】脈搏一呼吸五至左脈似弦而有力右脈似大而有力然皆不堪重按知其溫病之熱本不甚劇因病久眞陰虧損致小便不利所飲之水停於腸胃則脹滿迫於心下則作喘其心中乾甚亦眞陰虧損之徵也

【療法】當滋其眞陰利其小便陰足則心不覺乾便利則脹消而喘亦可定至於這些溫病之餘熱亦不治自愈也

【處方】鮮白茅根（去淨皮與節間細根剉碎）六兩用水三大碗煎一沸俟半句鐘視其茅根若不沉水底再煎一沸至茅根皆沉水底其湯卽成去渣當茶數次溫飲之

【效果】飲茅根湯兩日其病霍然全愈蓋白茅根涼潤滋陰又善治腎陰有熱小便不利且具有發表之性能透溫病之熱外出一藥而三善備故單用之而能立建奇功也然必剖取鮮者用之且復如此煎法（過煎則性變）方能有效